

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Clavis Raymundi Lulli

Lullus, Raimundus

Leiptzig, 1612

Das zehende Capittel / Recapitulatio totius Magisterii

[urn:nbn:de:bsz:31-95712](https://nbn-resolving.org/urn:nbn:de:bsz:31-95712)

Das zehende Capittel /

Recapitulatio totius Magisterii.

Alles was wir in diesem Büchlein geleret haben / das ist wahr / vnd bezeugen es / das wirs mit vnsern Augen gesehen haben / mit vnsern Händen begriffen vnd gemacht / derwegen wir das ganze magisterium mit einer kurtzen Rede ohn alles Gedicht begreifen.

Den lapidem soltu subtiliren / so wol durch die Subtiligkeit der Natur als der Kunst / vnd reduciren in argentum vivum, diesem argento vivo setze das weisse Corpus zu / das einerley Natur mit ihntz ist / vnd koche es bis es in eine warhaffte mineram bereitet werde / dieselbe minera wird multiplicirt nach deinem Willen.

Gemelte minera sol wiederumb in ein argentum vivum reducirt werden / vnd in vnsern menstrual solvirt, bis der lapis volatilis werde von allen seiner Elementen geschieden / zu letzt sol er volkômlich gereinigt werden / bis zur höchsten perfection, so wol das Corpus als die

die anima, damit eine rechte Vereinigung werde des Corporis mit dem Spiritu, das da temperirt sey mit der Natürlichen Wärme / vnd also wird der lapis eine minera.

Continuir das Feuer bis er in ein weiß Pulver komme/welches wir nennen Sulphur & argentum vivum Philosophorum. Als dann halt das fixe das volatile, also daß das volatile, von seiner groben terra auffsteigt / weißer dann ein Schnee / das am Boden bleibt / mag man wegwerffen / denn es ist nichts nütze. Alsdann nim vnsern Sulphur das gemelte oleum multiplicir mit seinem alembic bis es wieder in ein weißes Pulver gebracht werde / gleich dem Schnee / vnd sollen die Pulver figirt werden / mit ihrem Wasser imbibirt / bis alles bestendig bleibt / flüssig als ein Wachs ohne Rauch.

Das Wasser der ersten Solution soltu dazu thun / vnd so die solutio geschehen ist / so thu Gold darzu durch den modum der Conjunction, vnd distilir bis die anima erscheinet / vnd gib ihme das Feuer des ersten / andern dritten vnd vierden Grads / bis es sich ferbe / wie ein Hiacint fix vnd flüssig / davon ein Theil auff tausent Theil des gemeinen Mercurii, wird ins beste Gold verwandelt.



B ij

Das